



Lars Poulsen
Inatsisartunut ilaasortaq, Siumut

**Nuummi ilinniartut inissiaannik avataaneersuunngitsunut tunniussisarneq pillugu
§ 37 naapertorlugu apeqqutaatip nr. 057/2025-p akineqarnera.**

16-06-2025
Suliap normua: 2025 - 9824
All. nr. 25428112

Postboks 1029
3900 Nuuk
Oqarasuaat: +299 34 50 00
Email: iktin@nanoq.gl
www.nanoq.gl

Asasara Lars Poulsen,

Inatsisartut suleriaasiat naapertorlugu apeqqutinnut qujanaq. Apeqqutigineqartut
tullinnguuttuni akissuteqarfigissavakka.

***Apeqqut 1: Naalakkersuisut qanoq iliuuseqarnissaminnik pilersaaruteqarpat
inuusuttunut Nuummi
ilinniagaqartunut, Nuummi innuttaasut meeraattut Nuummi kollegiani inissiamik
tunineqarsinnaanngitsunut – ilimasuutigalugu angajoqqaajusut
angerlarsimaffimminni
najugaqatigisinnaagaat?***

Akissut:

Ilinniartut ineqarfii pillugit Inatsisartut inatsisaanni nr. 42 12. december 2019-meersumi
(Ilinniartut inaat pillugit inatsit) allaqqavoq ilinniartut allaneersut ilinniagaqartut
minnerpaamik ilinniakkamik aallartitsinnginnermi ukiuni 2-ni illoqarfiup
ilinniagaqarfiusussap avataani inuit allattorsimaffianni nalunaarsorneqarsimasut
Naalakkersuisut inissaannik tunisinnaagaat.

Peqatigisaanilli Ilinniartut ineqarfii pillugit inatsimmi § 1, imm. 3-mi aamma
aalajangersarneqarpoq Naalakkersuisut pisuni immikkut ittuni, tamatumanilu
minnerunngitsumik pissutsini inunnik ikiorsiinissamut attuumassutilinni,
inissaqartitsiniarnerup tamanna ajornartinngippagu, ilinniartunut avataaniit
aggersuunngitsunut, ilinniartunut inissamik piffissami killilikkami ineqartitsisinnaasut.

Ilinniartut ineqarfii pillugit Inatsisartut inatsisaannut siunnersuummi avataaniit ilinniartut
salluittinneqarnissaannut tunngasumik ima allaqqasoqarpoq:

"Siunnersuutip ilinniartut avataaneersut suli salluutippai. Tamanna imatut
erseqqissarneqarpoq siunnersuummi § 1, imm. 1-imi aalajangersarneqarluni Inatsisartut
inatsisaat manna ilinniartut ineqarfiini utaqqiisaasumik attartornermut atorneqarpoq,
ilinniarnerminnut atasumik ilinniagaqartunut illusimaffissamik pisariaqartitsisunut
avataaneersunut tamanna pillugu qinnuteqarnikkut Namminersorlutik Oqartussanit

atugassanngortinneqartut. Tamanna kommunit Namminersorlutillu Oqartussat akornanni suliassanik agguaaassinnermut naapertuuppoq, kommunit Namminersorlutillu Oqartussat ilinniartunut ineqarfiisa akornanni suliassat agguarneri Namminersorlutik Oqartussani kommuninilu nalinginnaasumik suliassat agguarnerinut naapertuuppoq, taanna naapertorlugu nuna tamakkerlugu ilinniartuni soqutigisat Namminersorlutik Oqartussanit isumagineqarlutik, kommunillu nammineq iliniartuutiminnik salliutitsillutik.

Tassunga ilanngutissaaq ilinniartut nunaqavissut illoqarfimmi ilinniarfeqarfiusumi attaveqaatit saniatigut aamma illoqarfimmi ilinniarfeqarfiusumi inissatigut periarfissanik ujartuinissamut pitsaannerusumik periarfissaqarneri.

Apeqqutinni tunngavilersuutigalugu allapputit qangali Nuummi inuusuttut illoqarfimminni ilinnialertut ilinniartut inaannik tunineqarneq ajortut, tassa naatsorsuutigineqartarmat angajoqqaavisa angerlarsimatiinnarsinnaassagaat. Tamanna, inatsisissatut siunnersuummut nassuiaatinut issuarneqartutut, ilinniartutut nalunaarsorneqanngitsunut Namminersorlutik Oqartussanit inissaqartinnissaannut tunngavilersuutigineqanngilaq. Namminersorlutik Oqartussat kommunillu akornanni suliassanik agguataarineq pillugu qanoq aaqqissuussaanniippoq.

Taamaammat ilinniartut, avataaneersutut isigineqanngitsut, ilinniartutut initaarusukkunik, kommunini ilinniartut inaannik qinnuteqarnissaat innersuussutigineqartarpoq.

Ilinniartut ineqarfii pillugit Inatsisartut inatsisaanni § 1, imm, 3 malillugu siullermik oqaatigineqartutut Naalakkersuisut pisuni immikkut ittuni, tamatumanilu minnerunngitsumik pissutsini inunnik ikiorsiinissamut attuumassutilinni, inissaqartitsiniarnerup tamanna ajornartinngippagu, ilinniartunut avataaniit aggersuunngitsunut, ilinniartunut inissamik piffissami killilikkami ineqartitsisinnaapput.

Ilinniartoq avataaneersuunngitsaq Namminersorlutik Oqartussat ilinniartunut inissianut qinnuteqarsinnaalersinneqassappat suliassanik akisussaaffimmillu agguataarinermut maannamut periaaseq unioqqutinneqassaaq taamaammallu inatsimmik allanngueqqaartoqartariaqassalluni. Naalakkersuisut taamatut allannguinnissamik suliniuteqarnissamut pilersaaruteqanngillat.

Inussiarnersumik Inuulluaquassi.



Nivi Olsen